



Broj: 06-1-07-1-57/19
Sarajevo, 08.02.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 14. sjednici, održanoj 08.02.2019. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Kantona 10

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Kantona 10, kako slijedi:

a) Kandidatska lista iz reda bošnjačkog naroda:

1. Kandidatska lista SDA – Stranke demokratske akcije dobila je 1 glas – 1 mandat.

b) Kandidatske liste iz reda hrvatskog naroda:

1. Kandidacijska lista predlagatelja Tabak Krešimira dobila je 1 glas - nije osvojila mandat,
2. Kandidacijska lista Socijaldemokratske partije BiH dobila je 0 glasova – nije osvojila mandat,
3. Kandidacijska lista predlagatelja Čosić Joze dobila je 0 glasova – nije osvojila mandat,
4. Kandidacijska lista Hrvatske nezavisne liste dobila je 4 glasa – nije osvojila mandat,
5. Kandidacijska lista predlagatelja Ivić Ivana dobila je 7 glasova – jedan (1) mandat,
6. Kandidacijska lista predlagatelja Šarac Stipana dobila je 7 glasova – jedan (1) mandat.

c) Kandidatske liste iz reda srpskog naroda:

1. Kandidatska lista predlagača Radun Duška dobila je 1 glas – jedan (1) mandat,
2. Kandidatska lista predlagača Srpske liste dobila je 3 glasa – dva (2) mandata.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Kantona 10 delegatima:

1. Tufekčić Jasenko (Bošnjak)
2. Ivić Ivan (Hrvat)
3. Šarac Stipan (Hrvat)
4. Radun Duško (Srbin)
5. Broćeta Goran (Srbin)
6. Damjanović Dragana (Srpkinja)

O b r a z l o ž e n j e

Skupština Kantona 10 dostavila je Centralnoj izbornoj komisiji Bosne i Hercegovine, dana 08.02.2019. godine, akt broj: 01-02-1.14/19 od 08.02.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Kantona 10, koji čine: Odluku o imenovanju privremenog povjerenstva za izbor i imenovanje, popis zastupnika po klubovima naroda, Zapisnik sa sjednice Privremenog povjerenstva za izbor i imenovanje o žrijebanju redosljeda kandidatskih listi i rezultatima glasanja i glasačke listiće.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Kantona 10, u skladu s članom 21. stav (3) tačka j) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, bira se ukupno **šest (6)** delegata i to jedan (1) iz reda bošnjačkog naroda, dva (2) iz reda hrvatskog naroda i tri (3) iz reda srpskog naroda.

Odbredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH iz Kantona 10, utvrđeni su sljedeći rezultati:

a) Kandidatska lista iz reda bošnjačkog naroda:

1. Kandidatska lista SDA – Stranke demokratske akcije dobila je 1 glas.

b) Kandidatska lista iz reda hrvatskog naroda:

1. Kandidacijska lista predlagatelja Tabak Krešimira dobila je 1 glas,
2. Kandidacijska lista Socijaldemokratske partije BiH dobila je 0 glasova,
3. Kandidacijska lista predlagatelja Čosić Jozje dobila je 0 glasova,
4. Kandidacijska lista Hrvatske nezavisne liste dobila je 4 glasa,
5. Kandidacijska lista predlagatelja Ivić Ivana dobila je 7 glasova,
6. Kandidacijska lista predlagatelja Šarac Stipana dobila je 7 glasova.

c) Kandidatske liste iz reda srpskog naroda:

1. Kandidatska lista predlagača Radun Duška dobila je 1 glas,
2. Kandidatska lista predlagača Srpske liste dobila je 3 glasa.

Imajući u vidu da su ispunjeni svi zakonski uvjeti za utvrđivanje rezultata izbora za delegate u Dom naroda Parlamenta Federacije Bosne i Hercegovine iz Skupštine Kantona 10, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke u skladu sa članom 6.9 stav (1) i (2) Izbornog zakona Bosne i Hercegovine može se podnijeti žalba Apelacionom odjelu Suda Bosne i Hercegovine u roku od dva dana od dana prijema ove odluke, koja se dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata, na broj: 033/ 251-329 ili neposredno u sjedištu Centralne izborne komisije BiH, ulica Danijela Ozme 7 Sarajevo.

Shodno Zaključku Centralne izborne komisije BiH, broj: 05-1-07-1-50/19 od 08.02.2019. godine, dani 09.02.2019. godine (subota) i 10.02.2019. godine (nedjelja) u periodu od 08,00 do 16,00 sati su radni dani na protokolu Centralne izborne komisije BiH za potrebe podnošenja žalbi na ovu odluku.



Dostaviti:

1. Skupština Kantona 10,
2. a/a.